

PLÊF DI SAN MARTIN VESCUL
RUALP E VAL
33022 CJARGNE

Al Segretari de Comission Economiche Dioc.
e, par che lu sepi, al siôr ARCIVESCUL di
U D I N

e p. c. al Forani di San Pieri in G.

Ce che si trate: Elezion dal rapresentant de Foranie pe C.E.D. (rispueste e vuestre dal 27 di Zenâr dal 1978)

Siôr Segretari,

mi è rivât il to befel cu lis conclusions de vuestre Giunte in merit 'es votazions fatis a Paulâr ai 21 di dicembar dal an passât, che vuâtris o veis decidût di anulâlis. Po ben, in cussience us rispuint chest:

- se o crodeis di judâ la comprension e l'union fra i predis de nestre foranie dant reson a di un prepotent che al à girât monts e plans parcè che no si sin indegnâts di elegilu lui, o veis sbalgjade strade. Si lu jude plui disint che si rassegni e che al stedi cuiet, che nô o sin parons di votâ cui che o volin.

- acetant il ricors di chei che no erin e che àn telefonât, o dais reson a di chêi che no son vignûts e tuart a di chêi che àn lassât di bande i lôr impegnôs e che a son vignûts e che a vegnin simpri. Parcè il plevan di Dartè (ch'j à dit a pre Erminio che lui si infote di chestis cuistions) cumò protestial? E parcè no erial nancje cheâtre votazion? Se i sta plui a cûr lâ là che al cjape plui bêçs, nol à dopo di protestâ.

- acetant il ricors di chei trê che àn votât (Zuliani, Garlatti e Verzegnassi), ur deis dal stupit, parcè che a mostrin di votâ cence nancje savê ce che a votin. E se a erin interdets un mês fa, a son interdets ancje cumò! O pratindino di votâ dôs voltis daûr che ju sofle il plevan di Salin? No erin nissun cul revolver; a podevin ancje fâ di mancul di votâ. Cumò e àn dome di tasê.

- il vuestri befel di no dâi une palanche a dinissun predi de nestre foranie fintramai che no si torne a fâ lis votazions, al à dut il savôr gjenuin de teolighe catolice curial, che, in non di chê malandrete di caritât, e ricate continuementri i predis. o podês ancje no dânus nuie, però no steit plui a considerânus de vuestre "religjon" dai bêçs.

- vuâtris seiso par fâ o par judicâ lis votazions di cheâtris? Cui à dit che no valin? Eriso vuâtris o erino nô a votâ? Anulait i vuestris berdeis e no i nestris!

Riuard al invît che nus fasês a volêsi bon e a lâ dacordo, o vin pôc ce imparâ di vuâtris.

Al è clâr che il nestri rapresentant al reste pre Erminio Cossaro.

Rualp, ai 31 di genâr dal 1978

pre Antoni Beline, predi de Foranie di S.P.

N.B. Mi riservi di dâi e cusion dute la publicitât che merete.